

山陽李宗昉芝齡

猓羅本盧鹿在大定府屬有黑白二種黑者爲大姓其人深目長身黑面鈎鼻薙髭留髻其俗尙鬼又名黑鬼造堅甲利刃鏢鎗勁弩蓄良馬好射習擊刺其兵爲諸蠻魁

羅鬼女官卽猓羅正妻稱曰耐德編髮爲髻用青帕蒙之多以銀絲花貼額耳垂大環拖長裙三十六幅子年幼不能主事卽耐德爲女官代理所部

白猓羅在大定安順二屬

宋家苗在貴陽安順二屬男耕女織今多讀書入泮者

蔡家苗在貴筑修文清鎮威寧平遠等州縣俗翁媳不通言居

黔記卷三

一

喪三日不食稻肉惟餼稗粥夫死以婦殉葬婦家奪去乃免

卡尤狝家在貴陽安順興義平越都勻等府穿青布短衣婦女以花帕蒙首衣短而下圓嚴寒盛暑衣無添換長裙細摺勾雲合角中以顏色相間以六月六日爲大節每歲孟春聚會未婚男女於野外跳月歌舞彩帶結毬拋而接之謂之花毬意旣洽彼此互擲遂私焉凡祭祀貧者用牛一富者數牛親戚族友各攜雞酒致祭遶牛而哭祭畢屠牛分肉食畢而散

簸籠狝家一作普籠又作補籠在貴陽定番廣順二州安順興義二府以十二月朔爲大節相傳武侯南征時所遺銅鼓若掘地得之擊以爲歡富者常以重價爭購喪則屠牛招戚友以牛角歡飲孝子不食肉惟啖魚蝦故祭亦必用之葬者以傘蓋墓

期年後始焚之其性慄悍出入必帶利刃倘有睚眦之仇必報  
近今禁戒漸循禮法矣

青狝家在古州清江丹江等處以青布蒙首穿青衣女子色白  
而敏工織繡善奕棋以擲毬爲樂所私者曰馬郎夜則與之飲  
父母知而不禁惟避其兄弟婚姻苟合愛者以牛酒致聘不知  
正朔文字以木刻爲信田山蘊黔書但載狝家未分卡尤箬籠  
青三種也

曾竹黔書作竹龍家黔書云龍家有四在在安順府屬婦女穿白  
衣繫桶裙戴細布方巾以髦札一尾名曰髮尾用豬油塗之遇  
親戚喜慶則負酒牽羊并隨帶新衣數襲以誇其富死則殮煨  
骨而葬每七月七日祭奠先塋

黔記卷三

二

狗耳龍家在安順大定二府及廣順州之康佐司有之男子以  
布蒙首婦人辮髮以布束結於頂餘布旁結兩指如狗耳狀黔  
書云男女旋躍而擇對奔則女氏之黨以牛馬贖之者今亦知  
通媒致聘矣

馬蹬龍家黔書云大頭龍家一曰在鎮寧之谷西堡頂營司之間以耕種  
爲業

大頭龍家鎮寧普定有之男子戴竹笠婦人衣土色衣繫青短  
裙斂馬鬣於髮髻如蓋男女勤耕力作

花苗在貴陽大定安順遵義屬皆無姓氏其性憨而畏法其俗  
陋而力勤衣用敗布緝條織成青白相間無領袖黔書載其跳  
月事最詳今亦知用媒妁惟婚娶必男至女家成親越宿而歸

仍舊俗云

紅苗在銅仁府屬

白苗在龍里貴定黔西等屬衣白衣男子蓬頭赤足婦女盤髻長簪祀祖之先必擇一肥壯牯牛頭角正者飼之乃聚闔寨之牛鬥於野勝則吉卽卜祭期屠之主祭者白衣青套細摺長裙祭畢合親族歌飲爲歡

青苗在黔西鎮寧及修文貴筑等處黔書稱其强悍好鬪今則馴良在平遠者又名箐苗

黑苗在都勻八寨丹江鎮遠黎平清江古州等處族類甚衆習俗各殊衣皆尙黑男女俱跣足陟岡巒披荆棘其捷如猿性悍好鬪頭插白翎出入必攜鏢鎗藥弩環刀自雍正十三年勦後

黔記卷三

三

凶性已斂孟春各寨擇地爲場跳月不拘老幼以竹爲笙人死則生前所私者以色線繫竹竿插於墳前男女拜祭

翦髮狔猪在貴定施秉黃平州屬

東苗在貴筑修文龍里清鎮及廣順各屬有族無姓婦人衣花衣無袖惟兩幅遮前後穿細摺短裙男子蓄頂髮短衣背襟中秋合寨迎鬼師以祭祖及族屬故者屠牛陳饌以次呼鬼名祭畢集親族暢飲竟夜每春獵於山所獲禽鳥必薦其祖先守法畏官循禮服役

西苗有馬謝何羅雷等姓在貴陽平越二府新娶必別寢私通孕產後乃同室秋收時卽合衆牛於野延善歌祝者披大寬氊衣腰間周圍細摺戴氊帽著皮鞞尊者在前童男女著青衣彩

帶百人歌舞吹笙隨之歷三晝夜屠牛以賽豐年名曰祭白虎性情樸實畏法不訟

天苗在平越多姬姓性情柔順婦人工織善染以仲冬朔日爲節其在陳蒙爛土壩者俗詳黔書按平越草志云天苗周之後

裔

志作以冬至日爲年節

獯苗在貞豐羅斛冊亨等處原隸廣西雍正五年改轄黔省勤耕力作薙髮服飾俱如漢人惟婦人蒙髮短衣長裙仍苗裝也打牙狃狃在黔西平越清鎮屬髮梳前披取齊眉之意

豬屎狃狃在石阡黎平古州平遠清平各屬極臭穢出入佩刀弩有讐必報若獨力不能行則備牛酒以款有力者鬪死則納牛償之

黔記卷三

四

紅狃狃在廣順平遠清平等處

花狃狃又名狃兜苗在施秉龍泉及黃平等處男子懶耕作好獵逐鹿羅雀爲事婦女兩袖綉五彩周身飾以蠶繭綵綵如貫珠

水狃狃亦名狃兜苗在施秉餘慶等屬善捕魚隆冬猶入深淵不畏冷男子衣服同漢人婦人細摺長裙婚姻喪祭俱循漢禮知法畏官

鍋圈狃狃在平遠州男子自織斜紋布爲衣婦人青帕籠髮名爲鍋圈衣青衣短裙男子有病不服藥用虎骨一具上纏五色絲線置簸箕內延鬼師禱之性好酒惰於農事

土人各處有之性好鬪今亦漸淳

披袍犵狁在黃平州男女衣外披一袍前短後長鑿竅爲桶裙羊毛織成性純謹勤耕作多傭鐵工者又或以種梨爲生  
狝犵苗有王黎金文等姓散居各府縣冬則掘地爲鑪卧牛羊皮席無衾褥遇時節以草札龍船上插五色紙旗於郊外歌舞祭鬼爲歡在清平都勻者衣服與漢人同親死用長子居喪七七之內不沐浴不踰戶如長子貧或以長孫次子代之遵師教多有入泮者

犵獐苗在荔波縣男子善耕作婦人工紡織短衣短裙僅以遮膝親死不棺反歌唱鑲木板殮而停之及葬子女哭必出血守墳三日而還

僂人在普安廳各營司性淳佞佛凡猓羅狝家等苗言語不相

黔記卷三

五

諳者常賴僂人通之

蠻人在新添丹江二處男子披草蓑婦人青衣花布短裙喪葬殺牛歌舞性獷悍愛漁獵以十月晦日爲大節祭鬼

黔書作朔日

在

思南府之沿河司者俗亦同

洞人皆在下游而洪州尤衆性多猜忌夫婦出入必偶冬採蘆花禦寒

獠人黔舊無之雍正時自廣西遷來清平貴定獨山等處居無定址喜徬溪澗以樹皮爲連筒灌水至家懶於汲也耕作之暇入山採藥沿寨行醫所祀之神名曰槃發所藏之書名曰旁甄圓印篆文義不可解且珍秘之風俗謹厚見遺不捨

楊保苗在遵義龍里二屬性多狡獷抗官司差拘而遵鄉老約

束

狎獷苗在都勻黎平石阡及施秉龍里餘慶龍泉等處有楊張石歐等姓

九股苗在興隆凱里黑苗類也此種武侯征滅之僅留九人故名地廣族繁散處蔓延性多悍頭戴鐵盔前有護面後無遮肩身披鐵甲及臍下鐵鍊圍身鐵皮纏腿左手持木牌右手持鐵鏢口銜利刃行走如飛三人共弩名曰偏架自雍正十年撫剿搜繳甲兵建城安汛至今風稍戢矣

八番苗在定番州其俗勤男日出而耕女日入而織穫稻則剗木臨流作臼水自推而舂之以十月晦日爲大節黔書作十月望日爲歲首親死夜靜出葬曰不使吾親知之

黔記卷三

六

紫薑苗在黃平清平丹江等處與獨山州之九名九姓苗同類輕生好鬥遇讐者輒生啖其肉有在平越州者多出入行伍大力善戰及讀書應試見之多不識爲苗者

谷藺苗在定番州屬男耕女織所織布最精細諺云欲作汗衫褲須得谷藺布婚姻用媒妁

陽洞羅漢苗在黎平府屬男子耕作貿易女人鬢髮散縮插木梳於額上富者以金銀作連環耳墜長裙短褲或有裙無褲好潔身常洗髮沃苗類之最近人情者

克孟牯羊苗在廣順州之金筑司耕作不用牛用鐵鎛代犁耨而不芸男女躡笙而偶生子免懷後始歸財禮親死不哭反笑舞浩歌謂之鬪屍次年聞杜鵑聲則舉家哀哭曰鳥猶時至親

不復來

洞苗在天柱錦屏二屬擇平坦近水地居之種棉花爲業男子衣與漢人同多與漢人傭工女人帶藍布角巾穿花邊衣裙所織洞帕頗精通漢語聽約束

箐苗居山箐在平遠州屬種山糧爲食男女衣服均自織

伶家苗在荔波縣十月晦日祭鬼爲節男女均以藍花帕蒙首未婚者其帕稍長每仲冬男女相聚歌舞所歡者約而奔之及生子後方歸母家名曰回親始用媒妁通聘

狗家苗在荔波縣衣長不過膝每歲首雜魚肉酒飯聚盤瓢擇居近水善種棉女自紡織男子雖通漢語不識文字以木刻爲信

黔記卷三

七

水家苗在荔波縣自雍正十年由廣西撥隸黔之都勻府屬男子好漁獵婦人勤紡織有水家布之名桶裙短衣四圍俱以花布綴之每歲首男女成羣連袂歌舞相歡者遂爲婚姻

六額子在大定威寧二屬有黑白二種結尖頂髻婦女長衣無裙親死時殮之葬亦用棺歲暮卜之吉則延親族至墓前以牲酒致祭發墓開棺取枯骨刷洗以白爲度用布裹骨復埋過一二年仍取骨而洗之七次爲止遇家人有病則曰祖先之骨不潔仍取骨再洗所謂洗骨苗是也近今禁戒漸止

白額子在貞豐羅斛二屬男子梳尖頂髻如螺女長衣無裙其俗與六額子同但祝鬼而不洗骨

冉家蠻在思南府之沿河司好漁獵俗與蠻人同

九名九姓苗在獨山州州屬性狡而悍每多假捏名姓喪葬婚事殺牛聚飲醉必相鬪輒及干戈受傷者納牛以講和婦女以種山爲業俗與紫薑苗同

爺頭苗在古州下游亦多有之與洞崽同類皆黑苗也性喜戰好鬪耕以鐵犁人力爲之不用牛每歲冬月朔日爲大節婦人習俗編髮爲髻近多銀系扇樣冠用琵琶長簪綰之耳墜雙環項圈數圍衣短衣以五色錦鑲邊姑之女必適舅之子聘禮不能措則取償於子孫倘外氏無相當子孫抑或無子姑有女必重賂於舅謂之外甥錢其女方許別配若無錢賄賂於舅者終身不敢嫁也

洞崽苗在古州先代以同羣同類分爲二寨居大寨爲爺頭小寨爲洞崽洞崽每聽爺頭使喚婚姻各分寨類若小寨私與大寨結婚謂之犯上各大寨知之則聚黨類盡奪其產或傷命其俗善舟楫

八寨黑苗在都勻府屬性獷悍女子以色布鑲衣胸前錦繡一方護之謂之遮肚各寨野外均造一房名曰馬郎房未婚之女晚來相聚其所歡悅者以牛酒致聘出嫁三日卽歸母家或一年半載外氏向婿索頭錢倘婿無力措辦則將女改適有婿女皆死者向其子索之名曰鬼頭錢

清江黑苗男子以布束髮頂帶銀圈大環耳墜着寬褲男女皆跣足種樹木與漢人通商往來稱曰同年愛着戲箱錦袍漢人多買舊袍賣與之以獲倍利未婚男子稱曰羅漢女子曰老倍

春日晴和攜酒食於高岡男歌女和相悅者以牛角盛酒歡飲  
奔而苟合男子生子後乃曰有後人方事耕作也

樓居黑苗在八寨丹江男子耕種性剛而憨婦人以羊角縮髻  
愛居高樓人死殮而停之爲期合寨共卜吉以百棺同葬公建  
祖祠名曰鬼堂其地什物毫不敢犯犯之以爲不祥性最信鬼  
愛養牲畜人居樓上畜養樓下

黑山苗在台拱古州清江三屬以藍布束髮居深山窮谷不事  
耕作每以擄劫致富能卜茅草卦預知吉凶今安戢矣

黑生苗在清江屬性凶惡訪富戶所居則鈎連惡黨明火執杖  
劫而奪之自雍正十三年改漢人服今亦守法

高坡苗在平遠黔西等處着黑衣喜種山林婦女以木板尺許

黔記卷三

九

縮髮內故又名頂板苗婚姻苟合男婦善染力耕作勤紡織  
平伐苗在貴定之新添營

黑狃家在清江屬廣植樹木爲業其寨多富與漢人往來熟識  
可央隣近富戶作保出樹木爲本合夥生理或借貸經商無不  
應付倘不能償不妨直告其故卽致虧折可再添借倘被人掣  
騙又不能出外追討則訪原保祖墳掘取骸骨而去謂之捉白  
放黑又謂扯白罵黑使原保之子孫拘查掣騙之人追借項贖  
取骨骸所有隣近墳墓常受其害今設以保甲此風息矣

清江狃家台拱有之婦人耕勤男子頭纏紅布腰佩大刀聚黨  
出寨捉拏過路孤客將長木爲枷枷進寨內索取財物名曰贖  
身錢如不給者終不能脫多受害者近今嚴懲畏法者不敢爲

也

里民子在貴陽黔西大定清鎮等處男子多貿易婦女穿細耳草鞵勤儉耕作閒時則紡毛布作衣愛養牲畜常帶入山作活每歲節與漢人同

白兒子在威寧及滇省有之各有宗族男子多漢人風女人猶苗俗漢人多贅苗女爲家生子後仍歸漢者故名白兒子也

白龍家在大定平遠二處衣白衣入山採漆售於市凡物皆背負婚喪頗循漢禮

白狃家在荔波縣男子頭戴狐尾以耕種爲業女子身小而多慧穿淡藍色衣細摺勾雲裙紅綉花鞵脰帶銀圈五色布褲每孟春擇平壩豎大木一空其中名曰巴槽男子各執竹片擊巴

黔記卷三

十

槽其聲響似鼓名曰打野又曰同要凡同要男女抱甬相戲父母在旁觀之以爲樂有漢人通苗語者亦與焉未婚苗女故多與漢人往來名曰外郎俟女正配有夫酌以苗布一二疋謂曰斷郎禮卽不得再往

土狇猪在威寧州男子披草爲衣專與猓羅雇工每日用油燒熱捺足故入山如猿猴

鴉雀苗在貴陽屬女子以白布鑲胸袖裙邊最喜居山種糧爲食親死擇高山爲佳壤其言語似雀聲故名鴉雀苗也有事時在官惟聽鄉老之言

葫蘆苗在定番羅斛二處性凶暴連羣聚黨專以搶劫爲業不事耕作今以法嚴亦守分矣

洪州苗在黎平男子與漢人同勤耕力作女子善紡織棉葛布頗精細多售於市故有洪州葛布之名

西溪苗在天柱縣屬女子短裙不過膝以青布纏腰未婚男女攜盃相聚而戲愛者約於野歌舞苟合生子後以牛過聘焉

車寨苗在古州男多藝業女工針指未婚者於曠野爲月場男絃女歌聲最清美與諸苗不同相悅者自爲配合亦名跳月此種乃馬三寶之兵敗落六百名聚此贅苗家故有六百戶之稱生苗在台拱凱里黃平施秉等處多野性所食喜生物卽魚肉亦以微熟爲鮮美故名

黑脚苗在清江台拱地方男子短衣大褲頭插白翎出入三五成羣持鏢帶刀以搶劫爲能凡作事以二螺螄置盆中觀其相鬪以卜吉凶每多應驗呼曰軍師婦人夫死不能再嫁如男不行搶劫者有女則不嫁之今亦知畏法矣

黑樓苗在古州清江八寨等屬隣近諸寨共於高坦處造一樓高數層名聚堂用一木竿長數丈空其中以懸於頂名長鼓凡有不平之事卽登樓擊之各寨相聞俱帶長鏢利刃齊至樓下聽寨長判之有事之家備牛待之如無事而擊鼓及有事擊鼓不到者罰牛一隻以充公用

短裙苗在都勻八寨男子短衣寬褲婦人衣短無衿袖前不護肚後不遮腰不穿褲其裙長只五寸許極厚而細摺聊以蔽羞採紫草以營生性嗜酒醉則常卧山凹隆冬浴於溪澗且云可以助暖

尖頂苗在貴陽府屬男女梳尖頂髻每仲冬朔日爲大節夫婦耦耕力作

郎慈苗在威寧州屬其俗更異婦人產子必夫守房不踰門戶彌月乃出產婦則出入耕作措飲食以供夫乳兒外日無暇刻父母將死俟氣初絕時將首扭向背後謂曰好看後人今則此俗漸改矣

羅漢苗在八寨丹江男子戴狐尾披髮於後最敬彌勒佛每三月三日男女攜食物供佛歌舞三日不食煙火似有寒食禁火之意

六洞夷人在黎平府屬短衣色裙細花尖鞵未婚男女翦衣換帶爲憑卜吉嫁之隣近女子執藍布傘往送名曰送親連袂歌

黔記卷三

十二

舞至男家飲唱三晝夜攜新婦同歸母家新郎每夜潛入婦家與婦同宿及生子後方過聘而歸夫家母家以苗布數疋爲嫁資女則紡織勤勞男亦多讀書識字者喪葬禮悉與漢同

八十二種苗圖并說原任八寨理苗同知陳浩所作聞有板刻存藩署今無存矣田山蘊黔書舊有三十種茲圖說較山蘊爲詳惜其言不雅馴擬暇時再爲潤飾成文凡山蘊書所已詳者俱紀其名語不具錄

苗婦畜蠱者多得財蠱多必須嫁之或月一嫁焉不知者往往於山僻小徑拾得金錢衣包之類取之歸而蠱亦隨至至家則朝夕供奉稍不厭其欲必爲害甚有破家亡身者秋間苗婦攜布袋買刺梨與小兒食多中蠱者久爲羣兒識破賣時先呼而問曰中有蠱否答曰無則不爲害矣狝家子畜者尤多

黔俗家有病者婦人以米置雞子於上蹲門而禳之名曰蚪魂不愈則召端公祈禱端公亦道士類作法與演劇相似衣服亦號行頭且有選少年作女裝爲神仙者觀者若狂殆亦巫覡之遺風歟

黔人婚娶新婦至卽拜堂新郎卽往謝妻父母三日新婦母來看視滿月回門夫婦同在外家宿

余自黔回京壬戌同年涇縣朱蘭坡學士琦見所記黔中志乘草藁題以長篇且送余視學浙中閱二十年蘭坡掌教吳門以所刻小萬卷齋詩集郵示余重見是詩不第作今昔之感其詩亦足爲黔生色也錄於記中者非以題茲記重也爲黔故錄之也詩云太史陳詩古有訓觀風往往輶軒乘隨時載筆博尋訪

黔記卷三

十三

留傳後代爲明徵牂牁舊域極荒遠欲據簡籍嗟難憑蒙齋先生近持節原註侍郎雯著錄乃以黔書稱細及禽魚鉅疆里羈縻藉可擊長繩其中閱歷各殊異豈尠聞見堪加增星槎到處易攜取淮陰學士當年曾無多卷帙辭創獲試校志乘非因仍苗獐種列八十二像繪較若分淄澠圖功救安念尤篤守吏莫漫荆舒懲馴安故俗迹使易何妨尺土皆峻嶒駢駢六郡卽蒙

召惜未歷遍微盧烝茲冊收藏亦珍物補苴且俟他人承平生撰述不擇地朗抱又鑑漸江澂從昔越中號才藪借資領袖君其勝搜文考獻倘關意譬彼鰓鯉胥歸習羣雅左右供驅使倏看竹素盈行騰陳編媿我久跼伏斥鷃那敢追搏鵬聲名官職奚所羨合任下上如風鐙顧惟孤懷獨傾注山水嗜已成痼癥

快君此去清賞得隄近白傅臺嚴陵偏於倥偬覓閒暇策杖猶  
砍天台藤竭來捃採宜倍富吉金樂石拳拳膺鴻蹤卻憶灑陽  
岸竟等晉楚卑邾滕車笠宿盟幸勿忘寄郵先付鈔胥膳一篇  
跋尾兼敘別長勺再鼓吾差能

蘭坡又題余所繪黔苗圖詩曰洞庭彭蠡間古苗多根蟠三危  
既不敘地合隣泚桓胡爲逮後世窟穴仍叢攢當由竄其君薮  
戶原未殫久之遂滋衍宅田粗能完牂牁種逾繁散若星羅盤  
遺兵六百人乃以他族攔漸成鬼方俗荒陋侔羆豕正朔尠率  
遵蠢彼猴而剋跣足躡芒屨趨捷升嶮岈於中別生熟畢竟榛  
殊蘭大都寡恩情親死昧置棺舉尸焚諸野歌唱相追歡枯蛻  
卽埋瘞恒出除垢癩祭豐亦椎牛屠肉供饗餐迨夫葬子女鵲

黔記卷三

十四

血偏洑瀾豈誠天真瀉顛越吁可歎馬郎事尤醜絲革私聯鞶  
跳月樂吹笙誰克懲姪奸惟宋家蔡家聊作翹楚看居喪飯稗  
粥泮水榮袍爛餘者頗力耕倉廩新禾攢谷藺織寶布青狝繡  
齊紈始知同食息拊循良非難斤斧毋遽持輕擊髀與臄衣袵  
但防患庶免踰罝羅前明神熹時構禍開楊龍應安邦彥焰熄幾何  
年果否忱輸丹

昭代極光被西域邊疆寬況此猶腹內奠定應如磐乾隆歲旃  
蒙妄爾羣揭竿吾宗有英傑謂慶公入陣披忠肝鴉西寨殞身迄

今垂悲酸

廟謨靖紛淆崩角皆壺箠將永弭厥釁勗哉親民官柔惠宜使  
懷井廛勿凋殘德威宜使畏文網勿扞干守土嚴且靜澤浹心

終寒熙熙春臺登那致湯沸涸慕思似蜀相銅鼓聲留謹君昔  
駕輶車若曹曾負簞採風徧蠻鄉囊筆隨吟鞍魁形並詭習一  
一歸雕剡譬益緝山經目睹無夸謾動念關

國計飛鴉變翔鸞盍當職貢圖拜手呈

朝端他日著勳業名足參范韓繁余苦株待幸獲從旁觀繙筴  
重推詳塗臆痕初乾奮焉壯志起遐壤封泥丸